

**Landesbibliothek Oldenburg**

**Digitalisierung von Drucken**

**Discovrs Av Roy Svr La Trefve De L'An M. D. LV.**

**Du Bellay, Joachim**

**Paris, 1561**

Evocation des Dievx Tvtelaires De Gvynes.

**urn:nbn:de:gbv:45:1-2865**


Je uoy sortir d'enfer les filles d'Acheron,  
Qui leurs serpents tortus lagent à l'environ  
Du col de l'inhumaine, au fond de son courage  
Répandant le uenim de leur plus grande rage.

Je uoy dessus son chef tomber l'ire des cieux,  
Le peuple mutiné, & uous uictorieux.

SIRE, parmy le bruit & publique alaigresse  
Du peuple nous louant, i'ay pris la hardiesse  
De uous offrir ces vers, ausquels l'affection  
Ne m'a laissé donner ceste perfection  
Qu'on uoit en ces escripts, que lon a de costume  
De repolir souuent, & mettre sus l'enclume:  
Suppliant humblement uostre grand' Maiesté  
D'estimer le present selon la uolonté  
De qui le uous presente, en imitant l'exemple  
De DIEU, du quel en uous l'image lon contemple.

FIN DE L'HYMNE.

## EVOCATION DES DIEUX TUTELAIRES DE GVYNES.

 Vicōques soiēt les Dieux qui defendēt la terre,  
Les tēples, les maisons, le peuple d'Angleterre,  
Et celuy par sur tous qui s'est fait de ce lieu  
Le principal patron, & tutelair Dieu,  
Je uous prie, & supplie en deuotion grande,  
Et uous requiers pardon de ce que ie demande:  
C'est qu'en proye & butin nous laissiez aux François

C

Les temples, les maisons, la terre des Anglois:  
Que uous sortiez sans eux, & qu'en leurs cœurs empreinte  
Ne demeure sinon une effroyable crainte,  
Vne peur, un oubly, & que partant d'icy  
En France avecques moy uous en ueniez aussi  
Qu'aggreables uous soient plus que ceux d'Angleterre  
Les temples des François, leurs maisons, & leur terre:  
Que gardes uous soyez de France à ceste fois,  
De mon Prince, & de moy & du peuple François.  
Si uous faites ainsi, ie uous promets & uouë,  
Et du uœu que ie fais, la France m'en auouë,  
De uous bastir un temple, & par ieux solennelz  
Rendre au peuple François uos honneurs eternels.

EXECRATION SVR  
L'ANGLETERRE.

Mânes, vmbres, Esprits, & si l'antiquité  
A donné d'autres noms à uostre deité,  
Erebe, Phlegeton, Styx, Acheron, Cocyte,  
Le Caos, & la Nuiët, & tout ce qui habite  
A la gueule d'enfer, la rage, la fureur,  
Et tout ce qui est plein d'une eternelle horreur,  
A fin que uous mettiez une peur, une fuyte,  
Et tout ce que la peur traine encor à sa fuyte,  
Aux Anglois, en leur Royne, en tous les ennemis,  
Qui contre les François en armes se sont mis:  
Et à fin que les forts, les uilles, les uillages,  
Les temples, les maisons, les sexes, & les aages,

